

**Wáraga bi
Yakóbo
eké ní
Ledre gi ro búkú bi Yakóbo
ní**

Yakóbo ngúru lúndu Yésu bi kóo ni nda go manda 'bi kanísa simi Yerusaléma ní eké ledre ba ne. Eké zí 'yi ga bi 'bi Kírésito ngasá bayiní royé gi simi Yerusaléma gi zí okó do báiyé simi ngíti géyi kángá e faa ní.

Yakóbo uku zí 'yi ga bi 'bi Kírésito ní kídí miméngi ledre eyé kí mindísiyé idí 'dódo a zí 'yi e kídí ma'dii ngununí ledre 'bi Kírésito go. Zía í'bí lorú zíye gi ro ledre ga bi káa zí ledre 'bi ílì, lerì, mongú mimbé'de, mimbé'de sinyí gi ro éyì 'bi lafú 'yi e, úzu éyì nda kí ófú. Zía kpá úku ledre gi ro idí 'yi mbigí 'yi 'bi Lomo, 'bó'bù ro 'yi, ini zí Lomo, útusimi 'yi simi ledre e nda kí ledre gi ro komokenzi tí káa zí 'yi bi ni go 'yi lódú kací Kírésito ní.

¹ Maa Yakóbo bi 'yi moko 'bi Lomo kí Kírésito Yésu Ngére ezé ní.

Máéké ledre ba máa zíse, sée 'yi ga bi 'bi Ngére Yésu, bi báiyisé ndéré kí ndísi kací bi e faa ní.

Mandá zíse za mbá kngaya do bi ga bi ásé doyé íri ní.

Útusimi simi ledre

² Lúndumá e simi Lomo, togú úzu éyí kí 'do'dó niyí ndìsì ndiki sée yá, ndásé 'dí'bi a káa do bisinyí ledre wá. ³ Simi úzu éyí ga gére nées mbá, togú komosé ni yí ené kpá fú lá ngbúó ro Lomo kí Ngére Yésu yá, Lomo ni í'bí roko'bu zise ódó mimbé'desé kíngaya. ⁴ Káa zí bi goó kenée ní, utúasá miútúásá, idísé ndìsì útusimisé za kíngaya simi ledre e za mbá gí ro zise idíse kí roko'busé, zise útúasásé kací komo Lomo káa do mbigí 'yí ené e éyí bi lerí a ni méngí sée ní ndaá. ⁵ Togú 'yí gí dongarásé owo'di'bi éyí bi Lomo ili zine méngí a ní wá yá, idí ini ini zí Lomo, Lomo ni í'bí cóngó sómú ledre zía. Gí zía wo Lomo ndìsì lengbe í'bí bilámá sómú ledre zí 'yí ené e kí mimbé'dené kíé'do.

⁶ Mongú ledre ni wo ba. Togú 'yí ni go ini ini zí Lomo gí ro éyí yá, 'yí máa nées misómú ledre ené ndaá idí gbre gbre wá. 'Yí bi ni kí misómú ledre gbre gbre ní, bi tóro ené ndaá kíé'do wá. Ni yí ené go cé káa zí mikáda mikavu bi ndìsì ílíló'bó roné gí zí mongú síli 'dáa 'dáa 'dáa ní. ⁷ 'Yí bi ni kí misómú ledre gbre gbre kenée ní, Ngére ndaá 'bi ené kí rokinyi gí ro í'bí éyí zía wá. ⁸ Gí zía, misómú ledre 'bi 'yí máa nées ndaá 'bi ené kíé'do wá.

⁹ Máúku zise lúndumá e simi Lomo, abú 'yí ndaá kí ledrené owóowó wá, bi ndaá sinyí roa wá, ni zí Lomo kí ledrené owóowó. ¹⁰ Tí lá 'yí bi kí tú'dú éyí e zine ní, simi bi Lomo oyólo'bó wo go zía idíne káa do 'yí lerí ní, bi ndaá sinyí roa wá, gí zía ni gágáoyó roné káa zí misúrú kágá ní. ¹¹ Gí zía kadra ndìsì ólúógu kí pho'duné do

óngbó kágá. Zí misúrú ga gágáoyó royé kí lámá ga bi royé nées mbá. 'Yì bí kí tų'dų éyì e zíne ní nì gágáoyó roné kpá kenée simi bí nì ndìşì ngásá kací moko ené e ní.

¹² Úndru nì ídí zí 'yì bí ndìşì ódó mimbé'dené simi úzu ledre ní, gì zía simi bí toro go ngbúó simi úzu ledre ní, Lomo nì í'bí trıdri bí za fí bí mocú ledre a ní zí 'yì ga bí otoní 'búa ní.

¹³ Simi bí 'do'dó ndiki ngíti 'yì go gì dongarése ní, 'yì nées ndaá sómú a bí ya kídí, Lomo uzu nées ne ní wá. Gì zía bisinyí ledre uzu ené Lomo wá, Lomo uzu ené kpá kú 'yì wá. ¹⁴ Bisinyí misómú ledre 'bí 'yì nì yì ené óto 'yì ma'dáa ne zía lúyú ledre. Zí lúyú ledre nda 'dí'bióyó wo gbála gì ro Lomo.

¹⁵ Gì zía 'bú bisinyí ledre ndìşì óto 'yì, zí 'yì ma'dáa tí lúyú ledre. Simi bí 'yì máa nées luyú ledre go ní, zí lúyú ledre ma'dáa nda 'dí'biógu umbu do 'yì máa nées.

¹⁶ Lúndumá e simi Lomo, 'yì ndaá lóndo sée zise lúyú ledre wá. ¹⁷ Bilámá éyì e kí bilámá tákpásılı e za mbá, 'Buzé bí komo ere otoogu bimióngó ne ngára oyólo'bó ené roné káa zí lındí wá ní, otoogu yée ne. ¹⁸ Lomo gelé zée go zize ídize káa do owú 'bí ené e gì zía bí ngunğuzé ledre ené bí ma'díi ní go ní. Gì zí keyì nées ní, azé zía go mizefı éyì ga bí kí ledreyé owóowó gì dongará éyì ga bí za mbá 'yì e ndışını í'bí yée zí Lomo ma'dáa káa do mizefı éyì gì yáká ní.

Ledre ga bí Lomo ili yée ní

¹⁹ Lúndumá e simi Lomo, ídísé úwú ledre ba bilámáne. 'Yì e idíní ídí 'díya gì ro úwú ledre,

togú nda gi ro úkulúgu ledre yá, idíní ídí ndo, mimbé'deyé nda kpá ndísi ésí 'diya wá, ²⁰ gi zía, togú ílisé gi ro zise ídíse mbigí 'yi ga bi 'bi Lomo ní yá, ndásé ídí 'yi mimbé'dekesí e 'di'diya wá. ²¹ Gi zí keyi nées ní, ledre cayi ga bi koo ndísisé méngi yée, kí bisinyí sómú ledre ga bi koo simisé ní, ídíse ótoómo yée za mbá 'dá'ba. Zise ngungu ledre 'bi Lomo kí mimbé'desé kíé'do, gi zía wo Lomo oto ledre nées kenée gi ro zíne yómo sée.

²² Miméngi ledre esé e idíní ídí za mbá kací kúrú Lomo bi ndísisé úwú a ní. Ndásé úwú kúrú Lomo lá kí mbílise káa zí ndísiní ócò gbékpí gboru éyí ní wá. ²³ Togú méngi keyi kací ledre 'bi Lomo bi ndísi úwú a ní wá yá, áyí ídí cé káa zí 'yi bi 'di'bi miráyi lúru komoné simi a, ²⁴ kpálá bi oto miráyi bi zía ñnyiné ndéréoyó roné ní, geré zí tosoa bi gáa lurú ní lígi wo. ²⁵ Togú ndísi méngi keyi kací lorú 'bi Lomo bi oto yi zíyi ídiyí kí ro doyi ní yá, Lomo ni í'bí úndru 'bi tú'dú ledre e zíyi togú úwúómo ledre ené lá kí mbílíyi lígi yi wá ní.

²⁶ Togú yá nées ni mbigí 'yi 'bi Lomo, útúásá lolu úku bilámá ledre zí 'yi e wá lóndo royí go, moko ndaá simi éyí ga bi ndísi méngi yée ní mbá wá. ²⁷ Mbigí 'yi bi 'bi Lomo ní, ni 'yi máa wo bi ndísi méngi ledre ga bi 'Buzé Lomo uku yée ní, káa zí sáká kará umbu e kí owúsala e ní. Nda kpá kí ótoómo méngi bisinyí ledre e za mbá 'dá'ba.

2

'Yi e niyi za mbá kí ledreyé owóowó

¹ Lúndumá e simi Lomo, káa zí bi ɲuɲguzé ledre Kírésito Yésu Ngére ezé bi roko'bua romo do ngíti géyì ngére e do sogo káɲgá ba go za mbá ní, ndazé méngì bilámá ledre lá kpara zí ngíti géyì 'yì e wá. ² Togú 'yì e gbre oguní do bi kótruro, ngíti a esì roné bilámá bongó kpá kí ngo'di gì simi dábu ro sílìne, zí ngíti a ídí 'bì ené 'yì lerì kí nzenze bongó roné, ³ togú zise úku ledre zí wo bi kí bilámá bongó roné ní kídí, “Mongú 'yì, bilámá bi ndìsì nì bì yáa ba,” tí lá nda zí 'yì lerì nées yá, zise úku ledre zía kídí, “Bì ndìsì ndaá gì royì yáa wá, ndìsì 'bì eyì bì ore,” ⁴ ndaá 'bì ené bi ndìsìsè nées ífi simisè dengbìse zise ndìsì 'dècì ngbanga 'yì e kí bisinyí sómù ledre bì simisè ní wá?

⁵ Lúndumá e simi Lomo, ówosé esé bì kídí Lomo gelé 'yì ga bì 'yì e ndìsìní lúru yée káa do 'yì lerì e nées ne zíye tóroyé ngbúo simi ɲuɲgu ledre eyé, gì ro zíye óguyé do bi bì wo Lomo uku ledre a gì ro 'yì ga bì kí 'búne doyé ní wá?

⁶ Tí lá ndìsìsè nées lúru'dófu bi do 'yì lerì e. Ndaá 'bì ené bì 'yì ga bì kí tú'dù éyì e zíye nées ndìsìní méngì lárásè yée ní wá? Ndaá 'bì ené bì ndìsìní ndéré kíse ye do ngbanga ní wá? ⁷ Ndaá 'bì ené bì ndìsìní kpá ye úkucayi ledre gì do bi Ngére esé Yésu ní wá?

⁸ Togú ndìsìsè go méngì ledre kací lorù bi miéké kúru Lomo uku kídí, “Ídí óto 'bú lafúyì e káa zí bì óto 'búyì kí royì ní,” ndìsìsè nées go méngì cóngó ledre. ⁹ Togú ndìsìsè lúru'dófu bi gì

do 'yì lerì e, lúyúsé née go ledre, Lomo ni 'dècì ngbangasé gì zía ndítí'dófusé do lorù go.

¹⁰ Togù 'yì ndìṣì méngì ledre kací lorù ga gére zía lé'bé'dófu gì do wo kíé'do ní yá, 'déwe née go zaá lorù ga gére née mbá. ¹¹ Káa zì bì Lomo uku ledre kídí, “Ndá só'do me'be 'yì wá,” zía kpá úku a kídí, “Ndá úfu 'yì wá.” Sìmì ledre ga gére née mbá, togù só'dosé rosé kí 'yì bì ófúsé rosé kéne wá ní wá tí lá zíyì úfu 'yì yá, Lomo ni 'dècì ngbanga royì bisinyíne gì zía lé'bé'dófu do lorù 'bì Lomo go.

¹² Miódrosé kí miméngì ledre esé e mbá, idí idí káa zì 'bì 'yì ga bì owoní go kídí ngbanga bì niyí 'dècì a royé ní ni óto yée zíye ídíye kí ro doyé. ¹³ Gì zía 'yì bì lerì lafúga méngì wo wá ní, lerì utúasá méngì Lomo kadra 'dècì ngbanga wá. Gba kadra 'dècì ngbanga Lomo lurú lerì 'yì bú.

Ngúnḡu ledre 'bì Lomo kí méngì moko a

¹⁴ Lúndumá e sìmì Lomo, togù 'yì uku ledre kídí née ṅunḡu ledre 'bì Lomo go méngì moko a wá ní, bílámá a ni ore wo be? Toso ṅunḡu ledre 'bì Lomo máa wo née ní utúasá goó yómo wo?

¹⁵ Lúrúsé aka, togù ezesé gì dongarásé ni do lerì bongó kpá kí 'bú roné kíngaya, ¹⁶ zì ngúrusé úku ledre zì 'yì lerì née kídí, “Lomo idí kíyì, idí í'bí éyì miánu kí bongó zíyì.” Togù 'yì née uku lá ledre kí tarané saká 'yì lerì née wá ní, méngì née go ledre bì Lomo ilíní ní? ¹⁷ Ni kpá kenée gì rosé. Togù ngíti 'yì ya née ṅunḡu ledre 'bì Lomo go

togú mengi ené bilámá ledre zí 'yi e wá, 'yi nées ranga yi ené ranga, ɲuɲu ené aka ledre 'bi Lomo wá.

¹⁸ Togú ngiti 'yi uku ledre kídí, “Áyí 'yi bi ɲuɲu ledre 'bi Lomo go, mááyí 'bi amá 'yi méngi bilámá ledre.”

Mááyí úku ledre zía kídí 'dódo aka ɲuɲu ledre 'bi Lomo bi ndišiní úku a lá kí tara 'yi ní zíma, gi ro zíma 'dódo ɲuɲu ledre 'bi Lomo amá zíyi kí bilámá ledre bi mándiši méngi a ní.

¹⁹ ɲuɲusé go kídí mbigí Lomo ni dujú kíé'do, nées bilámá ledre. Ídísé ówo a kídí, bicayi lomo e ɲuɲuní kpá kenée kídí mbigí Lomo ni dujú kíé'do. Zíye ndišiyé éré ngiri a.

²⁰ Ówosé nzíyi ledre nées wá gi zí 'di? Mááyí 'dódo a zise ma'dii kídí togú 'yi ɲuɲu lá ledre 'bi Lomo, mengi moko a wá moko ndaá simi ɲuɲu ledre ené nées wá. ²¹ Lúrúsé aka éyi bi koo bulúnduzé Abarayáma mengi zía útúásáne gi zía komo Lomo ní. Mengi ené koo lá éyi kíé'do wá, i'bí za cú owú 'bi ené Isáka káa do éyi 'dáná zí Lomo. ²² ɲuɲu ledre 'bi Lomo ené ndiši koo ndéré ndro kí miméngi ledre ené. Zí ɲuɲu ledre ené útúásáne kpini kaci ledre bi mengi wo ní. ²³ Ledre nées utúásá go kpini kí ledre bi miéké kúru Lomo uku kídí, “Abarayáma ɲuɲu ledre 'bi Lomo, zía útúásáne kaci komo Lomo káa do mbigí 'yi ené,” do ndiši ndólo wo gi zía ezegámá Lomo ní. ²⁴ Ídísé ówo a kídí 'yi ndiši útúásá kaci komo Lomo káa do mbigí 'yi ené yi ené kaci

míméngì ledre ené bì bilámáne ní ndaá 'bì ené lá gì zía bì ñgunḡu ledre 'bì Lomo ní wá.

²⁵ Lúrúsé aka Rába bì kóo kára 'yì gámá kací ya'dá e faa ní, utúasá kóo kací komo Lomo gì zí bilámá míméngì ledre ené bì kóo 'dì'bi mbeze 'bì Isiréle e óto yée zíne 'be káa bì ñiyí úfu yée, do kásalúgu yée gì do ngíti misi'di kpì ní. ²⁶ Káa zí bì ówosé bú, 'yì bì 'dówù ndáa simi a wá ní ñi yì ené goó umbuné. Kpá kenée ñgunḡu ledre 'bì Lomo ñi yì ené umbuné togú moko ndaá ní.

3

'Yì idí bándá dondenené

¹ Lúndumá e simi Lomo, ndaá 'bì ené bì ya kídí tú'dù se ñiyí ídí mbá 'yì 'dódo ledre zí 'yì ga bì ñgunḡuní ledre 'bì Kírésìto go ní wá, gì zía ówosé bú kídí zée ga bì i'bízé rozé 'dódo ledre 'bì Kírésìto zí lafúze ní, togú 'dodozé do bilámá misi'diné wá, Lomo ñi 'dó'do zée kíngaya rómo 'bì ngíti géyì 'yì e. ² Másómù ówosé bú bilámáne kídí zée 'yìma'dí e do sogo káḡá za mbá azé 'yì lúyú ledre e, do misi'di e mingúngúcu. Togú 'yì bì taraa uku lúyú ledre wá ní, kídí née go cóngó 'yì. Utúasá go ndìṣì 'bá'bá roné gì zí bisinyí ledre.

³ Ndìṣìzé ódóoto ká'dá ro tara usáni e gì ro óyó komoyé kíe zíye ndéréye kí'dí bì ilizé ní. ⁴ Ñi kpá kenée gì ro mongú kuṙṙngba. Abú tí bì ñi mongúne kíngaya mongú síli bì roko'buné ndìṣì ìtrí a ne ndéré kíe yá, 'yì kpúrónyó a ñi óyó komo mongú kuṙṙngba née lá kí owù ngodrú cúku'dée bì ndìṣìní kpúrónyó a kíe zía ndéréne do bi bì ili ní. ⁵ Ledre née ñi kpá kenée gì ro dondene.

Dondene ni owú éyí cúku'dée rozé tí lá ndịsị mbófo roné mimbófo. Nì éyí bì kí roko'buné kíngaya cé káa zí so pho'dụ bì cúku'dée ní, togú utú simi ngáká súwú yá, zía árá mongú bì ndéré kíe mindéré. ⁶ Dondene ndịsị óngbó 'yì káa zí pho'dụ ní. Nì bisinyí éyí kíngaya gị dongará éyí ga bì rozé ní. Ndịsị sínyíónzó kụrụ'bu 'yì nyé, zía ónzó a vuu ku pho'dụ. Zí dondene ma'dáa nda árá 'bì ené ku pho'dụ bì ilí wá ní.

⁷ 'Yì e utúasání bú 'dí'bi ríkí sị do bangá e, solú e, kí éyí trịdrị ga bì ndịsịní ndéré kí do simiyé bì kí ngíti géyì éyí trị ga bì simi iní ní do úlú yée 'be, ⁸ tí lá 'yì bì nì utúásá 'dí'bingerị dondene ní ndaá. Nì bisinyíne kíngaya simi ndịsị ené kpá bisinyí súrú éyí bì ndịsị 'dí'biógụ umbu ní.

⁹ Ledre nì gị ro dondene ore kpá káa, ndịsịzé kófó irị Ngére Yésu kí 'Buzé Lomo kí dondenezé. Zíze ndịsịzé úku sínyi ledre gị do bì lafúze kpá kíe, káa zí éyí bì Lomo otoogu yée née simi tosoné wá ní. ¹⁰ Kémbí tarazé bì kíé'do ba ndịsịzé í'bí mbófo eyí kí úku bisinyí ledre e mbá kíe. Owú 'bì babá e simi Lomo, ndaá miútúásáne zíze ndịsịzé méngi kéyì kenée wá. ¹¹ Bilámá iní miéwé kí bisinyí iní utúasání bú kúkúógụ mbá gị simi gu 'dawú kíé'do? ¹² Owú 'bì babá e simi Lomo, bongó utúasá go ánáógụ miáná olíva, togú mbú zí kóró ánáógụ miáná bongó? Kpá kenée, bisinyí 'dawú utúasá ené 'dí'biógụ bilámá iní miéwé wá.

Komokenzi bì gị zí Lomo ní

13 Ambí niyí 'yì ówo ledre kpá 'yì komokenzì dongarásé ní ye? 'Yì idí 'dódo a simi bilámá ndìsì ené kí miméngì ledre bì ndoo bì ndìsì ógù gì zì komokenzì ené ní. 14 Tí lá togù mimbé'desé eme ro lafúse e ngù kpá kí mongù 'bù éyì ndásé ndìsì s̀kpì fúndúse gì zía 'dága, togù mbú ásisé gì ro ledre bì cóngóne ní wá. 15 Toso komokenzì máa wo néesé ní ogù ené gì zì Lomo komo ere wá, ogù yì ené gì zì Satána do sogo kángá ona. 16 Gì zía togù ndìsìsé óto bisinyí mimbé'desé ro lafúse e, zise ídise 'yì 'bù éyì e yá, ndìsì esé utúasá idí bilámáne wá, komo bisinyí ledre ni ndìsì óngó dosé dujú ne.

17 Tí lá komokenzì máa wo bì ndìsì ógù gì zì Lomo gì komo ere ní mizefì ledre ené, luyú ndaá simi wá, yì ené 'yì méngì bilámá ledre zì 'yì e, mimbé'dea ni zì 'yì e mbá bilámáne, ni 'yì bì ndìsì lúru bì simi ledre e cii kí, zía ídine 'yì úwú ledre e gì zì lafúne ní. Ni kpá 'yì bì lerì 'yì e ndìsì méngì wo miméngì ní, zía ídine 'yì sáká 'yì lerì e. Ndaá 'yì lóndo 'yì e wá. 18 'Yì ga bì ndìsiní óto 'yì e zì mindìsì 'yì e ídine bilámáne ní, simi odu s̀ndì kadra niyí idí mbigí 'yì ga bì 'bì Lomo ní.

4

'Bù éyì ndìsì sínì dongará 'yì e

1 Éyì bì ndìsì 'dí'biógu ófù kí okó dongarásé ní 'di? Ndaá 'bù éyì bì dosé ní ndìsì 'dí'biógu ledre ga gére néesé ne wá? 2 Ílisé éyì e tí lá útúasásé ndíki yée wá. Zise ndìsìsé úfu 'yì e kpá kí óto 'bù éyì 'bì lafúse e, tí lá útúasásé esé ndíki éyì

bì ilísé ní wá. Ndìsìsè kpá ófù kí ndìsì méngì okó. Ndíkísé wá gì zía inísé esé ini gì roa zí Lomo wá. ³ Togù ini ini gì ro éyì zí Lomo má ndíki wá, yì ené gì zía sómù ledre eyì ni yì ené bisinyíne. Ìli yì eyì éyì ga gére née lá gì rokinyi eyì.

⁴ Sée 'yì méngì bisinyí ledre e, ówosé esé bi kídí togù ótosé 'bù do sogo kàngá ba yá ní ásé go ezeokó Lomo ní wá? 'Yì bi oto roné go káa do ezegámá do sogo kàngá ba ní ní, ni goó ezeokó Lomo. ⁵ Sómùsè kídí ledre bi miéké kúrú Lomo uku kídí, Lomo kasa 'dówùne zía ógù ndìsìné simizé ní ni gbékpìne? Yì ené gì ro zíze ídíze káa do mbígì 'yì ené e. ⁶ Tí lá Lomo ndìsì sáká zée ne kíngaya. Née sù ledre bi miéké kúrú Lomo uku kídí,

“Lomo ndaá kí rokinyi kí 'yì ga bi ndìsìní óto ledreyé kí royé owóowó ní wá,
tí lá zía ndìsìné sáká 'yì ga bi ndìsìní 'búó'bù royé mi'búó'bù ní.”

⁷ Gì zí keyì née ní, ídísé í'bí rosé ngúnṅu dujú ledre 'bi Lomo. Zíse óyó sogosé zí ngére 'bi bicayi lomo e geré za fí gì ro zía ótoómo kacíse. ⁸ Ídísé ídí gbóo kí Lomo gì ro zía ídíne gbóo kíse. Sée 'yì lúyú ledre e ídísé ótoómo kí lúyú ledre. Zíse óyóló'bó mimbé'desé ngúnṅu ledre 'bi Lomo kí mimbé'desé kíé'do sée ga bi sómù ledre esé ndaá kíé'do wá ní. ⁹ Ídísé ídí kí lerì zíse ndìsìsè ini ini kí mbùmbùdù. Zíse óyóló'bó kugù esé káa do ini do óyóló'bó rokinyi esé káa do lerì. ¹⁰ Ídísé

'búó'bú rosé zí Ngére Yésu gi ro zía óto sée zí ledresé ídine owóowó.

¹¹ Owú 'bi babá e, ndásé ndìsì l̀l̀ìkp̀ì wá. 'Yì bi ndìsì l̀l̀ìkp̀ì ro l̀nduné simì Lomo, togú mbú úku sínyi ledre roa ní, ndìsì néesé úku sínyi ledre ro lorù kpá ḱ 'dècì ngbanga a. Togú ndìsì 'dècì ngbanga ro lorù yá, óto royì go ḱ ledreyì owóowó rómo do lorù, lodú eyì néesé kacì lorù wá. ¹² Lomo ni d̀d̀ú ne 'yì í'bí lorù kpá 'yì 'dècì ngbanga. Ni ne ḱ roko'bu 'bi yómo 'yì, togú úfu 'yì zíne. Sara áyì 'bi eyì náambi zíyì ndìsìyì 'dècì ngbanga ro lafúyì e ní?

Ledre gi óto ro'yì ḱ ledre 'yì owóowó

¹³ Úwúsé aka ledre bi mááyì úku a ba, ásé náambi zíse úku ledre kídí, “Karaba togú kílondó azé ndéré simì gara bi 'dáa zíze ndìsìzé íri simìbi ḱé'do, do ndìsìzé méngì moko íri zíze ídíze ḱ késì zíze kíngaya.” ¹⁴ Ndìsìsé úku ledre kenée gi zí 'dì? Ngára ówosé gbawá éyì bi ni méngì roné kílondó ní. Ówosé káa zí bi ásé ógù ídí trìdrì ní bú? Trìdrìsé ni lá káa zí mùkú bi 'd̀t̀t̀ bi kuu kpá ba ní oǹg̀ yì ené go ní. ¹⁵ Ledre bi kóo ásé útúásá úku a ní ni kídí, “Togú Ngére Lomo ǹg̀ǹg̀ zíze yá, azé méngì éyì ba togú mbú wo bi 'dáa.” ¹⁶ Ndìsìsé nda yì esé óto rosé ḱ ledresé owóowó. Miméngì ledre bi 'bi síkpì fúndú'yì kenée néesé ni bisinyíne. ¹⁷ Togú 'yì owo tí bilámá ledre bi gi ro méngì a ní bú, zía ótoómo a kenée, luyú ledre go.

5

Loru zí 'yi ga bi kí tú'dú éyí e zíye ní

¹ Sée 'yi ga bi kí tú'dú éyí e zise ní, úwúsé aka ledre bi mááyí úku a zise ba, ídísé ini ini kí mbúmbúdú gí zí mongú bisinyí 'do'dó bi ni go ógụ dosé ba. ² Tú'dú éyí ga bi zise née, enyeonzóní royé go mbá, mimbúrédé e anu sinyiní bongó e kacise kpá go mbá. ³ Ngánza anu sinyi dábu kí miríriri késí esé e kpá go mbá. Ngánza née ni 'dódoyéme ledre gí rosé zía ndịsine óngbó sanáse káa zí pho'du ní. Simi ledre ga gére née mbá áse ba fú lá bándáoto tú'dú éyí e kacise simi odu sịndi kadra ba.

⁴ Lúrúsé aka, késí 'bi 'yi ga bi kóo méngini moko gí roa zise simi yáká esé e zise ásisé kí í'bí a zíye ní ni go ndịsini ini ini kí irisé. Ini 'bi ngiti géyi 'yi ga bi ndịsini 'dó'dúogụ éyí e gí yáká esé e ní owú ndiki mbílí Ngére Lomo bi roko'bua ofu go ní go. ⁵ Ndịsise do sogo kangá ona ndịsini ánu láya éyí e kí mongú rokinyi. Zise ótosé gí zía káa zí kábiriki bi otoyeme roné go bilámáne ni go nzíyiné gí ro do óngóonzó a ní. ⁶ Simi ledre ga gére née mbá, zise ndịsise í'bí ngbángá 'yi ga bi ngará ledre eyé ndaa kise wá ní do úfu yée lá gbékpine abú ndani ezeokóse e wá.

Ụtụsimi simi 'do'dó

⁷ Lúndumá e simi Lomo, ídísé ụtụsimisé zise tórosé ngbúó gí simi sịndi kadra bi Ngére Yésu ni ndá'baogụ simi a ní. Lúrúsé aka 'yi ó'do yáká, sịkpi ené mimbé'desé 'dága wá. Ndịsini sòngó té ndumu ni fú 'díyí éyí kí sịndi kadra bi éyí ga gére

née niyí aná zíye ngókoyé té kí ni fú tónó ánu a ní. ⁸ Gi rosé kpá kenée, ídísé útụsimisé zise tórosé ngbúó gi zía sịndị kadra bi Ngére Yésu ni ndá'baogụ simi a ní ni go gbóo. ⁹ Lúndumá e simi Lomo ndásé ndịsị sínyi ịrị lafúse e gi zí bisinyí ledre ga bi ndịsịní mēngị yée zise ní wá, káa bi Lomo ni 'dēcị ngbangasé. Kadra 'dēcị ngbanga 'yị e ni go gbóo.

¹⁰ Lúndumá e simi Lomo, káa do lílì ledre 'bi útụsimi simi 'do'dó zise, ídísé lúrútóko ledre née gi ro nébị ga kóna ndịsịní 'dódo ledre 'bi Ngére Yésu zí 'yị e ní. ¹¹ Káa zí bi ówosé bú ní, ndịsịzé mbófo kángaya 'yị ga bi ndịsịní ódó mimbé'deyé zíye tóroyé ngbúó simi ledre e ní. Úwúsé ledre 'do'dó bi kóo Eyóbo ụtụsiminé simi a ní go. Zise kpá lúrú ledre bi Ngére Lomo mēngị zía kací a ní. Ngére Lomo ni 'yị lúrú lerị 'yị kpá 'yị mēngị bilámá ledre zí 'yị e.

¹² Wo bi mbá ní, ndásé lólóbụ wá. Ndásé kpá lóbụ ịrị éyị ga bi komo ere togụ mbú kí ịrị éyị ga bi do sogo kángá ba togụ kpá ịrị ngíti géyị éyị e wá. Ledre esé idí idí dụú “fi,” togụ “f'i,” káa bi Lomo ni 'dēcị ngbanga rosé.

Ini 'bi 'yị ga bi ngununì ledre 'bi Lomo go ní

¹³ 'Yị ni bo dongarásé bi bisinyí ledre mēngị zía ní? Idí ini ini zí Lomo. Sara 'yị ni bo simi rokinyi? Idí úku ke'bi kófó ịrị Lomo kíe. ¹⁴ Togụ ngúrúsé ni kí ndiyá yá, idí ndólo manda ga bi 'bi kanịsa ní zíye ógụyé ini ini doa zí Lomo do súsụ sụ'bụ roa kí ịrị Ngére Yésu. ¹⁵ Togụ ininí ini gi ro 'yị ndiyá kí mimbé'de 'yị kíé'do yá, ndiyá

ni úkú gí roa zí Ngére Yésu yómo wo. Togú 'yì née luyú ledre, Ngére Yésu ni ótoómo ledre zía. ¹⁶ Bì goó kenée ní, ídísé úkuógu luyú ledre esé e kó'dù lafúse zí Lomo, zíse íni ini zí Lomo gí rosé mikékeríja gí ro zí Lomo yómo sée. Íni 'bì mbigí 'yì 'bì Lomo zí Lomo ni kí roko'buné kíngaya zí Lomo ndísiné méngì ledre kací a.

¹⁷ Lúrúsé aka, Ilíya kóo kpá 'yìma'dí káa zíze ní. Zía Íni ini zí Lomo cú kí mimbé'dené kídí iní ndaá é'dì wá, zí Lomo úwú ini ené, zí iní óroné kí simibi ota kí yanané. ¹⁸ Gí do kací ledre máa wo née ní, zí Ilíya íni ini kídí iní idí mu é'dì, zí Lomo kása iní gí komo ere é'díné do sogo kángá za mbá, zí fütú éyí e útúóguyé. ¹⁹ Máúku zíse lúndumá e simi Lomo, togú ngúrusé luyú gí do misi'di 'bì Lomo go yá, ndásé lúru wo lá mílúru kí komosé wá, ídísé sáká wo zíse 'dí'bilúgu wo óto wo do misi'di 'bì Lomo. ²⁰ Ídísé ówo a kídí, togú sákásé 'yì luyú ledre, zía ótoómo kí luyú ledre yá, sáká née go wo zía ómoné gí simi umbu. Tù'dù luyú ledre ga bì méngì yée ní, Lomo ni lúlúoyó yée gí roa.

MIKÁNDA LORU 'BI LOMO KÍ DOSÍ ÉYÍ E
Baka: MIKÁNDA LORU 'BI LOMO KÍ DOSÍ ÉYÍ E New
Testament+

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

9ebc1b62-650d-5302-9391-27a31d140102